



REPUBLIKA E SHQIPËRISË
AGJENCIA E SIGURIMIT TË CILËSISË SË ARSIMIT PARAUNIVERSITAR

PROGRAM ORIENTUES I MATURËS SHTETËRORE
PËR ARSIMIN E MESËM TË ORIENTUAR
“TEKNOLOGJI DHE TIK” PËR INSTITUTIN E NXËNËSVE QË NUK DËGJOJNË

LËNDËT
“GJUHË SHQIPE”
DHE
“LETËRSI”

VITI SHKOLLOR 2025 – 2026
KOORDINATORE: ERIDA KOLECI

www.ascap.edu.al

PËRMBAJTJA

1	HYRJE.....	3
2	PËRMBAJTJA E PROGRAMIT ORIENTUES	5
3	PËRSHKRIMI I KOMPETENCAVE GJUHËSORE DHE LETRARE	6
3.1	Gjuhë shqipe.....	6
3.2	Letërsi.....	7
4	PESHA E GJUHËS SHQIPE DHE E LETËRSISË NË TEST	8
5	STRUKTURA E TESTIT	8
6	LLOJET E PYETJEVE/ KËRKESAVE TË REKOMANDUARA	9
7	NJOHURITË DHE AFTËSITË SIPAS KOMPETENCAVE	10

1 HYRJE

Gjuha shqipe dhe letërsia është një nga tri provimet e detyruara në Maturën Shtetërore. Në këtë provim nxënësit do të zhvillojnë një test të përbashkët për të dyja lëndët: Gjuhë shqipe dhe Letërsi.

Gjuha shqipe dhe Letërsia bëjnë pjesë në fushën “Gjuhët dhe komunikimi”. Të dyja lëndët synojnë zhvillimin gjuhësor e letrar që është boshti themelor për rritjen intelektuale, shoqërore, estetike dhe emocionale të nxënësve. Më konkretisht, ato i aftësojnë nxënësit që ta përdorin gjuhën për të komunikuar, për të plotësuar interesat e tyre personale, për kënaqësi estetike, për të marrë informacion, si dhe për të përmbushur kërkesat e shoqërisë dhe të vendit të punës.

Gjuha shqipe

Lënda e gjuhës shqipe ka një rëndësi të veçantë në kurrikulën e arsimit të mesëm të lartë. Nëpërmjet kësaj lënde, nxënësit:

- fitojnë njohuri dhe demonstrojnë shkathtësi, vlera dhe qëndrime për të komunikuar në mënyrën e duhur;
- fitojnë njohuri dhe demonstrojnë shkathtësi, vlera dhe qëndrime rreth sistemit gjuhësor të shqipes.


Lënda e gjuhës shqipe, gjithashtu, siguron mundësi që nxënësit të ndiejnë fuqinë e gjuhës si një mënyrë për të shprehur përvojat e tyre dhe për të shmangur vështirësitë që ndajnë individët. Duke u mbështetur në studimin e teksteve të ndryshme, programi krijon mundësi që nxënësit të dallojnë, të analizojnë dhe të vlerësojnë jo vetëm strukturën dhe karakteristikat e këtyre teksteve, por edhe kuptimet dhe mesazhet e tyre.

Letërsia

Letërsia është një nga lëndët kryesore në arsimin e mesëm të lartë. Ajo ndikon në formimin estetik dhe letrar, në rritjen e aftësive krijuese dhe në pasurimin e aftësive shprehëse të nxënësve. Kjo lëndë, gjithashtu, mundëson krijimin e një raporti pozitiv dhe të qëndrueshëm mes nxënësve dhe letërsisë.

Programi orientues

Programi orientues i gjuhës shqipe dhe i letërsisë, nëpërmjet përqendrimit në njohuritë dhe në aftësitë kryesore të mësuara gjatë tri viteve, ka si qëllim të orientojë punën e mësuesit, përgatitjen e nxënësve dhe hartuesit e testit përfundimtar të Maturës Shtetërore.



Ky program është bazuar në programet e gjuhës shqipe dhe të letërsisë në arsimin e mesëm të lartë për nxënësit që nuk dëgjojnë dhe përfshin njohuritë dhe shkathtësisë më të rëndësishme që duhet të zotërojnë nxënësit.



2 PËRMBAJTJA E PROGRAMIT ORIENTUES

Programi orientues bazohet në parimin se të zotërosh njohuri dhe aftësi gjuhësore dhe letrare do të thotë të jesh në gjendje t'i demonstrosh ato në tekste të ndryshme letrare dhe jo letrare, si dhe në situata të jetës së përditshme.

Programi orientues është mbështetur:

- në programet e lëndës së gjuhës shqipe dhe të lëndës së letërsisë për nxënësit që nuk dëgjojnë në AML;
- në nivelet e arritjes të lëndës së gjuhës shqipe dhe të lëndës së letërsisë.

Për të qenë lehtësisht i përdorshëm, programi përmban:

- strukturën e testit;
- peshën e secilës lëndë në test;
- llojet e pyetjeve ose kërkesave që vlerësojnë kompetencat që zotëron nxënësi;
- njohuritë dhe aftësitë e kompetencave gjuhësore dhe letrare.

3 PËRSHKRIMI I KOMPETENCAVE GJUHËSORE DHE LETRARE

Duke qenë se provimet e Maturës Shtetërore zhvillohen me shkrim, kompetencat gjuhësore dhe letrare që vlerësohen janë:

- Të lexuarit e teksteve të ndryshme.
- Të shkruarit për qëllime personale dhe funksionale.
- Përvetësimi i rregullave gramatikore, drejtshkrimore dhe të pikësimit.
- Analiza dhe interpretimi i teksteve të gjinive dhe të llojeve të ndryshme letrare.
- Vlerësimi i letërsisë shqipe dhe asaj botërore në periudha të ndryshme letrare dhe historike.

Më poshtë është dhënë një përshkrim i shkurtër i këtyre kompetencave.

3.1 *Gjuhë shqipe*

Të lexuarit e teksteve të ndryshme

Lënda e gjuhës shqipe u krijon mundësi nxënësve që të lexojnë në mënyrë aktive dhe kritike, si dhe ta përthithin mirë e shpejt informacionin. Një lexues aktiv dhe kritik është ai, që jo vetëm i kupton dhe i vlerëson njohuritë që komunikohen në një tekst, por edhe i përdor ato në kontekste të reja. Për ta realizuar këtë, nxënësit njihen me një shumëllojshmëri tekstesh, si dhe zbatojnë një sërë strategjish të të kuptuarit. Njohja me tekste të ndryshme u jep mundësinë nxënësve që të zbulojnë interesat dhe prirjet e tyre dhe, gjithashtu, ta kenë më të lehtë të zgjedhin orientimin e karrierës së tyre.


Të shkruarit për qëllime personale dhe funksionale

Një nga qëllimet e programit të gjuhës shqipe është që nxënësit të demonstrojnë siguri dhe saktësi kur shkruajnë, të hulumtojnë para se të shkruajnë një tekst, si dhe të komunikojnë me kompetencë duke përdorur forma dhe stile të ndryshme të shkruarit.

Gjatë tri viteve, nxënësit krijojnë, organizojnë dhe përzgjedhin ide për të shkruar për qëllime, lexues dhe situata të ndryshme. Ata zbatojnë hapat e domosdoshëm të procesit të shkrimit (planifikimi, organizimi i punës me shkrim, rishikimi, redaktimi etj.). Gjatë të shkruarit, nxënësit zbatojnë karakteristikat e teksteve dhe rregullat gramatikore e drejtshkrimore.

Përvetësimi i rregullave gramatikore, drejtshkrimore dhe të pikësimit

Në arsimin e mesëm të lartë, nxënësit demonstrojnë ndërgjegjësim dhe saktësi në përdorimin e njohurive rreth sistemit gjuhësor të shqipes. Ata i konsolidojnë njohuritë gjuhësore, aftësohen ta përdorin gjuhën saktë dhe brenda rregullave gramatikore. Nxënësit i përdorin njohuritë



gjuhësore për të organizuar, për të redaktuar dhe për të përmirësuar shkrimet e tyre, për të folur qartë dhe saktë, për të gjykuar gjuhën e një teksti që dëgjojnë ose lexojnë etj. Në këtë cikël, nxënësit përcaktojnë dallimet mes gjuhës së folur e gjuhës së shkruar, analizojnë regjistrat e gjuhës, vlerësojnë pasurinë leksikore të gjuhës shqipe dhe zbatojnë rregullat drejtshkrimore dhe ato të pikësimit.

3.2 Letërsi

Analiza dhe interpretimi i teksteve të gjinive dhe të llojeve të ndryshme letrare

Nxënësit fitojnë teknikat e analizës së veprave letrare, të cilat do t'u shërbejnë në shkollë dhe në jetë. Ata analizojnë dhe interpretojnë vepra të gjinive dhe të llojeve të ndryshme letrare. Duke studiuar tiparet kryesore të gjinive dhe të llojeve letrare, nxënësit marrin njohuritë dhe fitojnë aftësitë e nevojshme për ta kuptuar më mirë natyrën e letërsisë. Këto tipare, nxënësi nuk i mëson thjesht në mënyrë teorike, por të konkretizuara në veprat ose fragmentet letrare. Gjatë tri viteve, nxënësit do të lexojnë dhe do të punojnë me tekste poetike, dramatike dhe tekste në prozë.

Gjatë analizës dhe interpretimit të veprave letrare, nxënësit dallojnë edhe mjetet e shumta e gjuhës, të cilat janë përdorur për të krijuar tekste jo vetëm me kuptim, por edhe estetikisht të bukura.

Vlerësimi i letërsisë shqipe dhe asaj botërore në periudha të ndryshme letrare dhe historike.

Nxënësit krijojnë një pasqyrë të qartë:

- të fazave të ndryshme të zhvillimit të letërsisë shqipe dhe të letërsisë botërore;
- të lidhjeve mes periudhave të ndryshme historike dhe drejtimeve letrare;
- të gjinive letrare, të autorëve dhe veprave më përfaqësuese të një periudhe historike ose të një drejtimi letrar.

Mësimi i letërsisë përqendrohet në karakteristikat kryesore të një periudhe, duke u dhënë mundësi nxënësve të krijojnë një ide të përgjithshme rreth origjinës, përhapjes dhe tipareve të një drejtimi letrar, si dhe të gjinive e të llojeve që lëvrohen.

Letërsia shqipe studiohet paralelisht me letërsinë botërore duke u kushtuar vëmendje të përbashkëtave dhe dallimeve mes tyre. Në këtë mënyrë, nxënësit kuptojnë që letërsia shqipe nuk është një njësi e veçantë dhe e ndarë, por pjesë e pasurisë letrare botërore.

4 PESHA E GJUHËS SHQIPE DHE E LETËRSISË NË TEST

Tabela e mëposhtme paraqet peshën në pikë të gjuhës shqipe dhe të letërsisë në test. Pikët për shkrimin e esesë janë të përbashkëta për të dyja lëndët

Lëndët	Pesha
Gjuhë shqipe	afërsisht 40 %
Të lexuarit e teksteve të ndryshme (afërsisht 25%)	
Përvetësimi i rregullave gramatikore, drejtshkrimore dhe të pikësimit (afërsisht 15%)	
Letërsi	afërsisht 40 %
Të shkruarit (ese)	afërsisht 20 %

5 STRUKTURA E TESTIT

Testi i gjuhës dhe i letërsisë do të ketë tri pjesë.

Pjesa e parë: Tekst/e jo letrar dhe njohuritë e aftësitë gramatikore, drejtshkrimore dhe të pikësimit.	Teksti jo letrar (përshkruar, rrëfyes, informues paraqitës) do të jetë i panjohur për nxënësit. Njohuritë dhe aftësitë gramatikore, drejtshkrimore e të pikësimit do të integrohen me tekstin jo letrar.
Pjesa e dytë: Tekst/e letrar	Fragmentet do të jenë nga veprat letrare të përcaktuara në programin orientues.
Pjesa e tretë: Ese	Eseja dëshmon formimin gjuhësor dhe letrar të nxënësit. Tema e esesë mund të lidhet me njërin nga pjesët e mësipërme.

6 LLOJET E PYETJEVE/ KËRKESAVE TË REKOMANDUARA

Pyetjet që përdoren në test janë:

- Pyetje me alternativa.
- Pyetje me përgjigje: *E vërtetë/ E rreme; Po/Jo; E saktë/ E gabuar.*
- Pyetje me kombinime (me çiftim).
- Pyetje me përgjigje të shkurtër ose me plotësim.
- Pyetje subjektive me përgjigje të kufizuar.
- Pyetje subjektive me përgjigje të zgjeruar.
- Etj.

Pyetjet ose kërkesat në test do të jenë të tri niveleve. Tabela e mëposhtme paraqet përqindjen e pikëve në test për secilin nivel.

Niveli bazë	Niveli mesatar	Niveli i lartë
50%	40%	10%

7 NJOHURITË DHE AFTËSITË SIPAS KOMPETENCAVE

Për secilën kompetencë janë paraqitur njohuritë dhe aftësitë që duhet të demonstrojnë nxënësi.

Kompetenca: Të lexuarit e teksteve të ndryshme	
Njohuritë	Aftësitë
Tekste përshkruese - Teknikat e shkrimit të tekstit përshkrues, si p.sh., përshkrim i një personi real, një personazhi apo personaliteti, një mjedisi, një vendi, një objekti etj. - Karakteristikat strukturore dhe stilistike të tekstit përshkrues. Tekste rrëfyese - Teknikat e shkrimit të tekstit rrëfyës, si p.sh., rrëfim i një ngjarjeje reale ose një artikull në një gazetë për një ngjarje, kronikë, ditar, autobiografi, biografi etj. - Karakteristikat strukturore dhe stilistike të tekstit rrëfyës. Tekste informuese-paraqitëse - Teknikat e shkrimit të tekstit informues-paraqitës, si p.sh., minutat e një takimi, një jetëshkrim, një aplikim për punë, një ese etj. - Karakteristikat strukturore dhe stilistike të teksteve informuese-paraqitëse.	Të kuptuarit e tekstit dhe reflektimi ndaj tij Nxënësi: - përdor njohuritë paraprake për të kuptuar tekstin; - shfrytëzon elemente, si: titulli, nëntitujt, organizimi i tekstit, fjalori etj., për të kuptuar tekstin; - bën parashikime duke u bazuar tek titulli, nëntitujt, fjalët kyç etj.; - parafrazon informacionin ose idetë e tekstit; - përmbledh idetë (në një ose disa paragrafë); - identifikon qëllimin dhe audiencën (lexuesin) e tekstit; - veçon idenë/idetë kryesore; - dallon në tekste shkakun nga pasoja, faktin nga opinioni, problemin dhe zgjidhjen; - kategorizon dhe klasifikon detajet e dhëna në tekst; - analizon modelet organizative të teksteve: renditje e ideve ose ngjarjeve, krahasim-kontrast, shkak-pasojë etj.; - nxjerr përfundime nga informacioni i tekstit, nga pikëpamjet e autorit etj.;

	• interpreton dhe integron informacionin e marrë nga një sërë burimesh (harta, grafikë, diagrame etj.); • identifikon dhe analizon elementet pamore (fotografi, ilustrime), të përdorura në tekstet e shkruara për të arritur qëllime të ndryshme; • bën përgjithësime në nivel kritik duke përdorur lidhjet brenda dhe jashtë teksteve; • identifikon karakteristika të strukturës të teksteve, si: hyrja, mbyllja, paragrafi, fragmenti, evidenca, indeksi, fjalorthi, tabela e përmbajtjes etj.; • identifikon karakteristika përmbajtësore të teksteve, si: tema, tematika, motivi etj.; • analizon veçoritë gjuhësore të një teksti; • analizon dhe vlerëson përdorimin e referencave të besueshme brenda një teksti; • dallon vërtetësinë dhe koherencën e argumenteve në tekste të ndryshme; • përdor informacione nga burime të ndryshme për një çështje të caktuar, për të ndërtuar një argument dhe për të nxjerrë përfundime. Llojet e teksteve Nxënësi: • përcakton funksionet, llojin, qëllimet teknikat dhe karakteristikat gjuhësore, stilistike dhe strukturore të teksteve jo letrare, si:
--	--

	- o teksti përshkrues, - o teksti rrëfyese, - o teksti informues-paraqitës.
Kompetenca: Të shkruarit për qëllime personale dhe funksionale	
Njohuritë	Aftësitë
• Ese përshkruese. • Ese rrëfyese.	Shkrimi si proces Nxënësi: • krijon ose mbledh ide të përshtatshme për punët me shkrim duke përdorur strategji të ndryshme, si: shkrimi i lirë, stuhi mendimi, hartë koncepti, kllaster etj.; • rishikon esenë për të përmirësuar strukturën, qartësinë dhe për të arritur saktësi në shprehjen e kuptimit; • identifikon elementet e gjuhës dhe të përmbajtjes (fakte, ide, detaje etj.), të cilat janë të papërshtatshme për lexuesin dhe kontekstin, dhe i zëvendëson, shton, fshin ose riorganizon fjalë, fraza, fjali, fakte, ide, detaje përshkruese, emocionale etj.; • përmirëson renditjen e fakteve, ideve dhe detajeve brenda ose në mes të paragrafëve; • korrigjon gabimet gjuhësore (gramatikë, drejtshkrim, pikësim). Shkrimi si produkt Nxënësi: • organizon fakte dhe ide në përshtatje me qëllimin, lexuesin dhe llojin e tekstit; • mbështet mesazhin kryesor të një teksti me detaje, fakte dhe shembuj të

	përshtatshëm për qëllimin, lexuesin, kontekstin etj.; • i përmbahet temës së esesë; • shkruan ese koherente; • përdor një fjali të temës për të futur idenë kryesore në një paragraf; • përpunon dhe shtjellon idenë kryesore të një paragrafi duke përdorur shembuj, detaje, fakte, përshkrime etj.; • rimerr idenë kryesore në paragrafin përmbyllës të tekstit dhe shkruan mbylljen e tij; • ka stil dhe origjinalitet në ese. Llojet e teksteve Nxënësi: • shkruan ese përshkuese me tema të ndryshme; • shkruan ese rrëfyese me tema të ndryshme.
Kompetenca: Përvetësimi i rregullave gramatikore, drejtshkrimore dhe të pikësimit	
Njohuritë	Aftësitë
Morfologji Klasat e fjalëve, të ndryshueshme dhe të pandryshueshme. Emri • Emrat që e ndërrojnë gjininë në numrin shumës. Folja • Foljet kalimtare dhe jokalistare. • Mënyra dëftore, forma veprare dhe joveprare e foljeve të parregullta.	Morfologji Nxënësi: • përcakton klasat e fjalëve dhe argumenton përgjigjen e tij; • dallon emrat e gjinisë mashkullore që e ndryshojnë gjininë, kur kalojnë në numrin shumës; • ndërton fjali me folje kalimtare dhe jokalistare; • zgjedhon foljet e parregullta (jam, them,

Mbiemri - Shumësi i mbiemrave. Përdorimi në shumës i mbiemrave që përcaktojnë emra mashkullorë me shumësin me - <i>e</i>, - <i>ra</i> dhe me - <i>a</i>. Përemri - Llojet e përemrave, sipas kuptimit që kanë dhe funksionit që kryejnë (vetorë, vetvetorë, dëftorë, pronorë, pyetës). Kategoritë e tyre gramatikore. Ndajfolja - Llojet e ndajfoljeve. Lidhëza - Lidhëzat bashkërenditëse dhe lidhëzat nënrenditëse.	rri, dua etj.) në kohët e mënyrës dëftore, në formën veprorë dhe joveprorë; - vendos në trajtën e duhur mbiemrat ose fjalët e tjera përcaktuese pas emrave që e ndërrojnë gjininë në numrin shumës si p.sh.: <i>mendime të zymta, personazhe interesante, vende malore, ujëra të rrëmbyeshme, djathëra të kripura</i> etj.; - dallon dhe përdor në fjali, lloje të ndryshme përemrash; - përcakton kategoritë gramatikore të përemrave; - dallon ndajfoljet dhe përcakton llojin e tyre; - përcakton llojin e lidhëzave bashkërenditëse dhe lidhëzave nënrenditëse; - përdor drejt në fjali lidhëzat.
Sintaksë - Gjymtyrët e dyta. - Kundrinori. - Rrethanori. - Përcaktori, - Fjalja e thjeshtë dhe fjalja e përbërë.	Sintaksë Nxënësi: - përcakton gjymtyrët e dyta në një fjali dhe argumenton përgjigjen e tij; - dallon kundrinorin dhe tregon se me çfarë është shprehur; - dallon rrethanorin dhe përcakton se me çfarë është shprehur; - dallon përcaktorin dhe përcakton se me çfarë është shprehur; - përcakton tiparet e fjalisë së thjeshtë dhe ato të fjalisë së përbërë; - analizon fjalitë e përbëra me shumë pjesë; - përshtat në kohë dhe në mënyrë foljet

	(kallëzuesit) në pjesët e fjalisë së përbërë; • përdor drejt shenjat e pikësimit te fjalitë e përbëra.
Drejtshkrim dhe pikësim • Përdorimi i shenjave të pikësimit (presja, dy pikat, thonjëzat).	Drejtshkrim dhe pikësim Nxënësi: • shkruan dhe përdor drejt shenjat e pikësimit (presja, thonjëzat, dy pikat).

Kompetenca: Analiza dhe interpretimi i teksteve të gjinive dhe llojeve të ndryshme letrare	
Njohuritë	Aftësitë¹
Letërsia dhe gjinitë letrare • Veçoritë kryesore të llojeve të gjinisë epike. • Veçoritë kryesore të llojeve të gjinisë lirike. • Veçoritë kryesore të llojeve të gjinisë dramatike. Figurat stilistike • Figurat e kuptimit: krahasimi, personifikimi, antiteza, kontrasti, hiperbola, paralelizmi figurativ. • Figurat e shqiptimit poetik: pyetja retorike, pasthirrma, apostrofa, epanastrofa, aliteracioni. Elementet e tekstit letrar • Fabula dhe subjekti. • Tema dhe motivet. • Rrëfimtari, autori dhe lexuesi. • Format e rrëfimit. • Sistemi i personazheve. Marrëdhëniet	Elementet e tekstit letrar a) Fabula dhe subjekti Nxënësi: • rrëfen dhe analizon subjektin duke e ilustruar me detaje dhe shembuj nga teksti ose fragmenti; • përcakton dhe analizon fabulën e një teksti; • analizon ngjarjet kryesore të një teksti; • dallon ngjarjet që shënojnë hyrjen, pikën e lidhjes, zhvillimin, pikën kulmore, zgjidhjen, si dhe shpjegon funksionin dhe rëndësinë e tyre; • dallon konfliktin/konfliktet dhe shpjegon mënyrën se si zgjidhen ato në vepër. b) Personazhet Nxënësi: • analizon dhe vlerëson personazhet duke u bazuar në përshkrimet e autorit dhe në mendimet, fjalët, veprimet, bindjet etj.;

¹ Veprat për të cilat nxënësit do të demonstrojnë këto njohuri dhe aftësi janë dhënë më poshtë.

kryesore mes personazheve. • Mjedisi, koha dhe atmosfera. • Ritmi dhe vargu (edhe vargu i lirë). Rima dhe llojet e saj. • Strofa, funksioni dhe llojet e saj.	• evidenton ngjashmëritë dhe dallimet mes personazheve (karakteri, sjelljet etj.); • analizon marrëdhëniet mes personazheve, si p.sh., ndikimi që ka një personazh te një personazh tjetër; • dallon llojet e personazheve (realë, historikë, të trilluar, mitologjikë, të jashtëzakonshëm, kryesorë, dytësorë); • shpreh dhe argumenton pëlqimet e tij për një personazh. c) Mjedisi, koha dhe atmosfera Nxënësi: • përshkruan dhe analizon mjedisin dhe kohën në një vepër letrare; • analizon gjendjen emocionale që krijohet nga mjedisi, koha apo rrethanat e një teksti. d) Tematika Nxënësi: • dallon temën dhe motivet e një teksti; • analizon dhe shpjegon mënyrën që zgjedh autori për të shtjelluar një temë ose një motiv të caktuar. e) Stili dhe gjuha Nxënësi: • veçon tiparet e stilit dhe analizon e shpjegon se si ndikojnë ato te lexuesi dhe në tekst. Konteksti historik, kulturor, ekonomik, politik, shoqëror Nxënësi: • gjykon rreth kontekstit historik, kulturor, ekonomik, politik, shoqëror në të cilin është shkruar një tekst;
--	--

	• shpjegon se si konteksti ndikon në vepër. Lidhja mes tekstit dhe lexuesit Nxënësi: • tregon se si përvojat personale, vlerat, besimet e tij mund të ndikojnë në mënyrën se si ai e kupton dhe e interpreton një tekst; • tregon se si një tekst e informon lexuesin rreth natyrës njerëzore. Reflektimi ndaj tekstit Nxënësi: • formulon mendimet, ndjenjat dhe opinionet e tij rreth tekstit, duke e lidhur atë me njohuritë e mëparshme; • reflekton në mënyrë kritike përmes analizave, interpretimit, vlerësimit, krahasimit dhe sintezës së tekstit. Ndërtimi dhe komunikimi i argumenteve Nxënësi: • mbron idetë e tij duke i ilustruar me detaje dhe me shembuj nga teksti; • organizon qartë, saktë dhe në mënyrë logjike mendimet, ndjenjat dhe opinionet e tij.
--	---

Veprat letrare të mëposhtme duhen punuar me nxënësit. Hartuesit e testit do ta ndërtojnë pjesën e testit të letërsisë duke iu referuar kësaj liste.

Kompetenca: Vlerësimi i letërsisë shqipe dhe asaj botërore në periudha të ndryshme letrare dhe historike

Njohuritë	Aftësitë
Cikli i Kreshnikëve - Cikli i Kreshnikëve, si pjesa më e rëndësishme e epikës shqiptare. - Rëndësia e Ciklit të Kreshnikëve për ruajtjen e identitetit kombëtar dhe të trashëgimisë kulturore të shqiptarëve. - Vlerat artistike të Ciklit të Kreshnikëve.	Cikli i Kreshnikëve Nxënësi: - vlerëson rëndësinë e Ciklit të Kreshnikëve për ruajtjen e identitetit kombëtar dhe të trashëgimisë kulturore të shqiptarëve; - interpretë, analizon dhe gjykon për vlerat artistike të Ciklit të Kreshnikëve.
Homeri - Iliada. - Rëndësia e Homerit në letërsinë e mëvonshme.	Homeri “Iliada” Nxënësi: - vlerëson rëndësinë e Homerit në letërsinë e mëvonshme; - interpretë, analizon dhe gjykon për vlerat artistike të poemës “Iliada”
Shekspir - Hamleti. - Rëndësia e Shekspirit në letërsinë botërore.	Shekspir “Hamleti” Nxënësi: - interpretë, analizon dhe gjykon për vlerat artistike të veprës “Hamleti”; - diskuton dhe vlerëson rëndësinë e krijimtarisë së Shekspirit në letërsinë botërore.
Hygo - Katedralja e Parisit. - Hygoi si prijës i romantizmit.	Hygo “Katedralja e Parisit” Nxënësi: - vlerëson rolin e Hygoit në letërsinë romantike dhe në letërsinë e mëvonshme franceze; - interpretë, analizon, gjykon dhe vlerëson romanin “Katedralja e Parisit”.
N. Frashëri - Lulet e verës. - Naim Frashëri, figura më përfaqësuese e Rilindjes Kombëtare Shqiptare.	N. Frashëri “Lulet e verës” Nxënësi: interpretë, analizon dhe gjykon për vlerat artistike të vëllimit poetik “Lulet e verës”.

Migjeni • Novelat e qytetit të veriut. • Vargjet e lira.	Migjeni “Novelat e qytetit të veriut” dhe “Vargjet e lira” Nxënësi: • Interpreteton dhe analizon vëllimin në prozë “Novelat e qytetit të veriut”; • interpreteton dhe analizon vëllimin poetik “Vargjet e lira”.
Ismail Kadare • Pallati i ëndrrave. • Vendi që zë Kadare në letërsinë shqipe.	Ismail Kadare “Pallati i ëndrrave” Nxënësi: • veçon dhe analizon risitë që sjell Kadare në letërsinë shqipe; • interpreteton dhe analizon romanin “Pallati i ëndrrave”.